



ხობის მუნიციპალიტეტის საკრებულოს

განკარგულება №83

2017 წლის 26 დეკემბერი

ქ. ხობი

ხობის მუნიციპალიტეტის მოსახლეობის ჯანმრთელობის დაცვის 2018 წლის მუნიციპალური პროგრამის დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-3 და მე-4 ნაწილების, მე-19 მუხლის „ბ“ ქვეპუნქტისა და 24-ე მუხლის მე-2 და მე-3 ნაწილების შესაბამისად:

1. დამტკიცდეს თანდართული „ხობის მუნიციპალიტეტის მოსახლეობის ჯანმრთელობის დაცვის 2018 წლის მუნიციპალური პროგრამა“.
2. განკარგულება ამოქმედდეს 2018 წლის 1 იანვრიდან.
3. განკარგულება შეიძლება გასაჩივრდეს საქართველოს ადმინისტრაციული კანონმდებლობით დადგენილი წესით, ფოთის საქალაქო სასამართლოში (მისამართი: ქ. ფოთი, დავით აღმაშენებლის ქ. №3).

საკრებულოს თავმჯდომარე

ედიშერი ჯობავა

ხობის მუნიციპალიტეტის მოსახლეობის ჯანმრთელობის დაცვის 2018 წლის მუნიციპალური პროგრამა

მუხლი 1. პროგრამის რეგულირების სფერო, განსახორციელებელი საქმიანობა და მიზანი

ხობის მუნიციპალიტეტის მოსახლეობის ჯანმრთელობის დაცვის 2018 წლის მუნიციპალური პროგრამის (შემდგომ - პროგრამა) მიზანია ხობის მუნიციპალიტეტის (შემდგომ - მუნიციპალიტეტი) მოსახლეობის ჯანმრთელობის დაცვის ხელშეწყობა და დამატებითი ამბულატორიული მომსახურება იმ ადმინისტრაციულ ერთეულებში სადაც არ ფუნქციონირებს სახელმწიფო ამბულატორიული პროგრამა და ასევე არის მოსახლეობის რაოდენობით დიდი სოფლები, დამატებით მედდის მომსახურებაზე.

მუხლი 2. პროგრამით მოსარგებლე პირთა წრე

პროგრამის მოსარგებლეა მუნიციპალიტეტის იმ ადმინისტრაციული ერთეულების მოსახლეობა სადაც არ ფუნქციონირებს სახელმწიფო ამბულატორიული პროგრამა და ასევე, დამატებით - მოსახლეობის რიცხოვნობის მიხედვით მუნიციპალიტეტის დიდი ადმინისტრაციული ერთეულების მოსახლეობა.

მუხლი 3. პროგრამის მოქმედების ვადა, მისი დაწყების და დასრულების დრო და მომსახურების გრაფიკი

1. პროგრამა მოქმედებს 2018 წლის 1 იანვრიდან 2018 წლის 31 დეკემბრის ჩათვლით.
2. პროგრამის ფარგლებში ექიმების მომსახურების გრაფიკია კვირაში ერთი დღე, ხოლო მედდების მომსახურების გრაფიკი - ყოველდღიურად (გარდა დასვენების და უქმე დღეებისა).

მუხლი 4. გასაცემლის პერიოდულობა.

პროგრამით გათვალისწინებული გასაცემლები გაიცემა პროგრამის მოქმედების მთელი პერიოდის მანძილზე, მე-8 მუხლით გათვალისწინებული ოდენობით და ვადებში.

მუხლი 5. პროგრამის ბიუჯეტი და მისი დაფინანსების წყარო

1. პროგრამის ბიუჯეტი შეადგენს 36240 (ოცდათექვსმეტიათასორასორმოცი) ლარს.
2. პროგრამა ფინანსდება ხობის მუნიციპალიტეტის 2018 წლის ადგილობრივი ბიუჯეტიდან.

მუხლი 6. პროგრამის ადმინისტრაციული წარმოების სახე

1. პროგრამის განხორციელების ფარგლებში ადმინისტრაციული წარმოება მიმდინარეობს საქართველოს ზოგადი ადმინისტრაციული კოდექსით და საქართველოს კანონმდებლობით დადგენილი ადმინისტრაციული წარმოების წესებით.
2. პროგრამა ხორციელდება ხობის მუნიციპალიტეტის მერიის მიერ, მერიის შრომის, საზოგადოებრივი ჯანმრთელობისა და სოციალური დაცვის, ვეტერანთა, ლტოლვილთა და იძულებით გადაადგილებულ პირთა საქმეების სამსახურის წინადადებით, ელექტრონული ტენდერის მეშვეობით.

მუხლი 7. პროგრამის ადმინისტრირების, მისი მართვის, ზედამხედველობის, ინსპექტირებისა და კონტროლის წესები და პირობები.

1. პროგრამის ადმინისტრირებას, მართვას, ზედამხედველობას და ინსპექტირებას ახორციელებს ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის, ვეტერანთა, ლტოლვილთა და იძულებით გადაადგილებულ პირთა საქმეების სამსახური.
2. კონტროლის წესები და პირობები რეგულირდება ხობის მუნიციპალიტეტის მერიის დებულებით, ხობის მუნიციპალიტეტის მერიის შრომის, საზოგადოებრივი ჯანმრთელობისა და სოციალური დაცვის, ვეტერანთა, ლტოლვილთა და იძულებით გადაადგილებულ პირთა საქმეების სამსახურის დებულებით, ხობის მუნიციპალიტეტის მერის ინდივიდუალური ადმინისტრაციულ-სამართლებრივი აქტით დამტკიცებული ხობის მუნიციპალიტეტის სოციალური დახმარებისა და ჯანდაცვის მუნიციპალური პროგრამების განხორციელების წესით და საქართველოს მოქმედი კანონმდებლობით.

